

Vakantie a cuminsa na Museo Historico

Den transcurso di e ultimo simannan Museo Historico a ricibi hopi bishita di e diferente scolnan, gruponan, instancianan y alumnonan haciendo speurtocht conociendo mas di nos cultura y su historia.

Como Museo Historico, e ta hopi importante pa comparti nos herencia cu e publico mas jong, pa asina di e forma aki educa nan ya di chikito riba e importancia pa ta orguyoso di loke ta di nos.

Willem III Toren y Fort Zoutman ta ambos edificio- nan hopi bieu cu tin un histo-

ria asina importante iniciando ya caba desde siglo 16 y cu su encanto e sa di entretene cada un bishitante grandi y chikito.

Cu hopi entusiasmo Mario Browne 'Guia Experto' di museo ta ricibi cada un bishitante estudiante di Airco Iris Kleuterschool, School Washington, Colegio San Francisco, Grupo di Jufr. Shirley di De Vuyst, EPI y clientenan di Fundacion Ambiente Nobo, pa menciona a par, cu a keda asombra cu tur loke e museo ta representa.

Mario a sa di guia nos bishitantenan dor di cada un sala di exposicion cu tin actualmente

y rond di e forti.

Na momento bishita museo, tanto mucha como hende grandi lo conoce un mundo nobo y rico na historia yena cu e herencia cultural di Aruba. Manera drenta museo lo topa cara, cara cu nos 'Special Agents' di 'Expo 1880', cu ta un exposicion dinamico cu ta pone enfoka riba e importancia pa salvaguardia tur loke ta nos herencia material y inmaterial. Siguiendo e tour lo drenta den e sala di mas grandi cu ta uno cu tin hopi artefactonan bieu cu nan historia. Aki ta trata di artefactonan cu a wordo entrega na Museo Historico pa diferente fami-

anan y cu sigur ta carga un balar sentimental hopi grandi. Den e ultimo sala ta huesped un exposicion cu e historia di 'Botonan Miniatura Rancho 1815' cu tambe sigur ta ilustra un epoca unda trahamento di boto y pesca tabata central den Rancho, e tempo eya introduci e botonan aki como un cos di hunga pa nos muchanan y di esaki a nace un tradicion bunita den Rancho. Banda di e museo, Fort Zoutman y Willem III Toren ta icononan den e historia di Aruba, unda cada un bishitante lo keda fascina cu tur loke nan ta conta.

Museo Historico ta invita comunidad completo pa haci



uzo di e oportunidad di vacacion pa pasa haci un bishita na museo y di e forma aki sostiene nos herencia cultural. Pa mas informacion di e programa vacacional di Museo Historico por bishita www.facebook.com/fortzoutman

of por tuma contacto cu museo na t: 5885199. □